



## **Universitätsbibliothek Paderborn**

### **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1847**

MDCLXVII. Markgraf Friedrichs Entscheidung der zwischen dem Stifte und dem Rathe zu Quedlinburg wegen Mühlen und des Mahlens stattfindenden Uneinigkeit, vom 12. Dez. 1444.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

MDCLXVII. Markgraf Friedrichs Entscheidung der zwischen dem Stifte und dem Rathe zu Quedlingburg wegen Mühlen und des Mahlens stattfindenden Uneinigkeit, vom 12. Dez. 1444.

Wir Friederich, von Gots Gnaden Marggrave zu Brandnborg, des Heiligen Römischen Reichs Ertzkammer vnd Burggrave zu Nuremberg, bekennen offentlich mit dissem Briefe vor allen, die in sehen oder horen lesen, das die Ervverdigt vnd die Werdige Froyv Anne, Ebtischynn zu Qvvedelingenborg, von ihrer der Probstin vnd des gantzen Cappittels des vvertlichen Stiffts zu Qvvedelingenborg vnd auch der Probst von Sand Wiprecht, von seiner des Priors gantzen Samenunge vnde Capittels vwegen darselbst zu Quedelingenborg gelegen, an einen vnd die Erlamen vnser lieben besundern Burgermeister vnd Radmanne der Stat zu Quedelingenborg von irer vnd der gantzen gemeinen Borgere vnd Inwanere wegen, auf dem andern Theile, fur vns sein komen vnd etlicher irer Sachen vnd Schelunge, darumb sie dann vndereinander, alle von Malens wegen, zwytrechtig waren, bey vns mechtlich sein gebliben, sie darauß in Fruntschafft zu erscheiden. (Hier folgt die Entscheidung.) Hier bey vnd ober sein gevvesen die Ervverdigen, Wolgebornen, Werdigen, Gestrengen, Erbarv vnd Erlamen vnser Rete vnd lieben getruvven Her Conradt, Bischoff zu Havelberg, Albrecht, Graue von Lindovv vnd Her zu Reppin; Er Nickel Tirbach, Meister Sand Johans Ordens; Er Nicolaus, Abt zu Lehenyn; Bernd von der Schulemborg vnd Mattis von Jagow, Ritter; Wilhelm Fuchs, Achim Hake, Heine Pfuel vnd Junge Otte von Slyvven; Borge-meistere vnd Ratmann vnser Stete Alden vnd Nuvvenstat Brandemborg, Berlin vnd Cölln. Vnd des zu Orkunde vnd Bekantnis haben vvir eyne iglichen obgenanten Teile einen sulchen Entscheidesbriev vnd Aufspruch mit vnserm angehangen Ingesigel vorfigelt geben; vnd geschen zu Berlin, am Sonnabende nach nach vnser lieben Froyven Tage, als sie entpfangen vvert. Nach Cristli vnfers Hern Gebort viertzenhundert Jar vnd darnach im vier vnde vertzigsten Jare.

Nach Grath, Cod. dipl. Quedl. p. 747. 748.

MDCLXVIII. Reinhard von Kottbus verkauft Land, Mannschaft und Stadt Kottbus den Markgrafen, am 15. August 1445.

Ich Reynhart von kotbus, Bekenne fur mich, alle meine rechten erben vnd erbnehmen, das ich mit wolbedagten vollem Rate meiner angebornen vnd lufst auch vil mynen hern vnd frunde vnd doch auch sunderlichin von meins eigens gemutes bewegnuß vnd anligender not wegen dem durchluchtigen hochgeboren fursten vnd hern, hern fridrichin, des heiligen Romischen Reichs Ertzkamerer vnd hern fridrichin dem jungen, gebrudern, Marggrauen zu brandburg etc., meine gnedigen lieben hern vnd alle iren